

APLE TIGRELE

Lèkèms

Tigrelè, katelè, šeimuo atsèrada gan netikieta. Pabiega nabagèlè nu siaubinga gāla. Kètèms katītems tep nepavīka. Vuo Tigrelè palinda po mašènas, èš baimes ožseruopštè ont varèkle. Tèn vargšèlè èštupiejè vèsa nakti, è vèsa deina.

Darbs – vèsèms švèns dalīks. Rīta mēta vakū tetis sieda i mašèna èr èšvažiava. Išvežè è katīti. Nuvažiaves, pastatè mašèna, ijungè signalizacija. Prièje vīrā è klaus: „Dèl kuo tava signalizacèje tuoke keista? Kap katītis kuoks kniaukto“. Pasèklausè da vèsè, patraukè petes, è nieka nebeèšgèrdè, nueje è darba.

Vakarè, važoujint nomei, apènt, pasègèrda keists balsielis. Bōva lapkrète vakars. Pūtè vakarū vies. Smolke dolksnuoje lītus. Bōva jau tomse. Lèpont èš mašènas, šuove mintis, ka rek truopne paveiziete, kas tèn īr. Pasijiemè prožektuoriu, atidarè mašènas vèršu. È tækta! Kažkuoks gīvs padarielis pradieje ropuotè išteista ronka ī ontī. „No, kas če daba, kokei če dīva“. Čiopa ī ronkas tuo padarieli. Soprates, ka tor katīti, pradieje so anou rokouteis: „No, iš kor to atsirada? Mažs kap kumštīelis. Sušales. Drebaus. Nebtori nè balsele. Akeles išpliestas, muset išsigondes esi? È kor aš tavi diesio? Vargielis to. Laukè palèkt negalio, sušalsi, a šunis papjaus. Ne! Rek nešte nomei vakams“. Isèkèša katinieli į ontī è nuejè į truoba.

Puopènèms

Bova džiaugsma vèsèms èr rūpestelè. Reikieje katele èšmuokīt èš turielkeles laktè peinieli èr iestè. Auga ana mīlèma è pečkènama. Vārda davè vakā, pritarè è tèvā. Atsèmènè vèsè matīta multfilma, kor pagrindènè artistè bova katelè. Vuo Tègrè bova pavèdesnès i anou.

Kap saka, ka èš didelies meiles è sosèrgt gal. Tep è Tègrele atsètèka. Palèka smūtna, kailielis nutrioša, nebnuoriejè buovīteis. Sosèrga nabagèlè. Vakā vuos nekriuok. Abodo, isidieje i maišieli, struošne nulakèna pri vitinuoriaus. Ons truopne apveiziejè Tigrelè. Vakams vèskou davadèje. Kap anou priveizietè, kap sodoutè liekarstès, è da pasakè, ka ana īr trijų mènesieliu omžiaus. Anei anou gīdè, slaugè nubuožne, kap sunkiausè liguonè. Bova priveizama, puopènama. Greita ana pasitaisè. Viel bova linksma, gerā jiedè è krietè visuokius zbetkus.

Abruozdielis

Tas Tigrès abruozdielis – akurat lietovėškas katelès. Ana èšauga nedidelie, raina. Po kaklo balts znuoks, kap kuoks paèlgs kvartugielis. Vèsas kuojelès baltas, atruoda, kap smetuona kabènosès. Galvelè nedidelie, akelès roda gelsvas. Ka kou mèslej – prisimerk. Atruoda, ka jau snaus aba meiguos. No vèsoku aplinkou māta è jaut. Auselès nedèdèles, statès. Èšgèrst èš tuolèj, ka vākā

pareit ẽš muokĩklas. Tujau bieġ pri dõru pasètẽktẽ. Švari katelẽ. Tonke prausas ẽ prausas. Truopne muok nauduoetẽis „diežele“ tualete. No nagelius turieje ẽ daba tebtor aštrius. Vẽn galond ẽ galond, kor valno ẽ kor nevalno. Daug ẽškadas ĩr pridẽrbusi. Veina laimẽ, ka ana bijuos sulonkstĩta laikrašte. Je pamata ronkuo, tujau bieġ kavuoetẽis. Sava negẽra zbetka sopront.

Strainiuška

Ka bova jauna, dẽdẽle nuoriejẽ bũtẽ straini. Tonke aple zelkuori šokiniejuos, staipies. Jau nieks negalieje truobuo bũtẽ poikiesnis ož anou. Je pamerki kvietkas i merkinĩčẽ, tujau gulies ont šuona. Vuo Tigrẽ kap niekor nieka, veizas kap vondou bieġ par grindis. Čẽ da nieka. No ẽr žĩdintiu kvietku truobuo negaliejẽ bũtẽ. Tigrẽ bematont žeidelius nuskaba. Veinus sujied, vuo kẽtus ẽšmietliuo ont žemẽs. Ẽšaugintãs želmeneles nelaba ciekavijuos. Karta isitaisẽ siedietẽ ont persuodintu pomiduoru. Vãkã joukãs ẽ saka: „Paveiziek, mama, kap pamiduora pražĩda“. Reikieje viel sosokta laikrašti paimtẽ ẽr ...

Prietelis

Deividielis ẽš pat pẽrmũ deinũ bova anuos prietelis. Gal ka bova mažẽ? Ons anou nešiuojẽ, gluostẽ, vẽsep zorduojẽ. Karto lakstẽ pu truoba. Buovijuos ẽš zo zabuovas kolei Tigre patẽka. No je ana nenuor ta jau ĩr pẽkta. Tijau paleisdava sava nagelius i darba. Tonke Deivids bova paženklins drižes.

Je ons praded buoviteis veins, tijau Tigrẽ šalep ẽ vẽn veizas. Kãrta ont grindũ ẽš trinkieliu statẽ statinielius. Nubiega atsineštẽ mašinieliu. Tigrẽ kap kolka priliekẽ ẽ vėsoku išardẽ. Apsisokusi nudieje atgal i sava veita. Atsigolẽ ẽ prisimerkosi veizas. Aba kẽts nutẽkẽms. Sesou Silvijẽ priš Kaliedas poušẽ eglele. Nubiega i kokne atsigertẽ vondẽns, ẽ gẽrd, kap žaislele ritiniejes ont grindũ. Kažẽn a ana nuorieje buoviteis? A Tigre nepatẽka, ka žaislele ĩr poikesni ož anou?

Tigrẽs zbẽtkã

Jauna Tigrẽ sumislidava vėsuoikiu zbẽtku. Je matĩs, ka šeimina taisuos išvažiaoutẽ, vakštio sopĩkosi, paniberne oudega mosẽkoudama. Nuo pate mašẽnuo važioutẽ netink. Muset, atsimẽn, kap mažã važiava ont varĩklẽ.

No, ka šeimĩna parvažioudava nomei, atrasdava visuokio zbẽtko prikriesta. Čiũda bũdava truobuo. Kap kuokẽ čerauninkẽ darboudavuos pẽlna. Anuos dekelis atsiras kẽtuo truobuo. Vãkũ šliorẽs ešnešiuotas po kertes. Nu šiepele, stala vėskas numesta. Vuo veina karta bova krietne ẽšgondẽnosi. Mẽslẽje, ka kuoks razbaininks bova ẽsẽbruovẽs. Ẽš šiepa ẽšmesti vėsẽ drabužẽ. Ka

pamāta parvažīavus numiškius, pradžiuo vakščiuo pasipūtosī, no neēlga trokus, praded sokinieteis aplinkou, glousnioutēis.

„Ēš geruos dūšes...“

So metas Tigrē aprēma. Vo bova vēskuo ē ašarū, ē zlastēs, ē jouka. Ka nuor gal būtē ē gera, ē meili. Pavasari, ka saulelē spind, žuolelē sožaliov, Tigrē vēn po kēimali vakščiuo. Ē ne veltou. Parlozģēn gaspadēne i truoba, ē pri kuoju paded, ta pusģīve pele, ta žiuoga nutrauktuom kuojom. Ne veina karta bova „geradarie“išprašīta so sava nešleva pro duris. Vo vākā ē saka: „Mama, Tigrelē ēš geruos dūšias tau parnešē...“. Tas jau tep. No je anā padedi kēlbasa, nevēsad ied. Paousta, paousta ē nueit kap niekor nieka... Ana it kuokē degustatuorē. Neied kas nepatink ē vēskas.

Priveizietuojē

Daba Tigrē truopne priveiz sava keimali. Vēsus, užklīdusios šunis a kates vej lauk. Kartas anā užeit nuors paerzintē sosieda šuni. No ēr praded marširoute palei tvuora. Oudega iškielosi mosuodama ē rēsnuo pirmīn ē atgal. Ē vēn paveiz i šuni. Vuo tas varģielis, prirēšts pri būduos, pliešuos, draskuos, luo kap pasiotēs. Kartas ēr dēdeisēms rek ēsēkēštē, kol apspakajini tou aliarma.

Pripratēms

Jau veinioulēka metu Tigrelē gīven mona anukiele šeimuo. Vēsē anou mil ēr ana vēsus. Laba nuor meiguotē so vakās. Je doris uždara, ana tol kniauks, braižisēs, kol ileisi. Ē daug kou laim sava meilomu ē kniaukēmu. Silvēje īr anuos spakainoma prietelē. A skaita knyga, a muokuos, a veiz televizuori, Tigrē tijau šalep i jautas it už „pečīaus“, ramiause snaud a meigt. Ēš rīta pērmiause pasiglousniou so gaspaduoriu. Je jiest nuor paskou gaspadēne sekiuo. Tor keista īda. Je, veins ēš gaspaduoriu atsikel nu suopkēs, Tigrē, je tik īr truobuo, tijau pat atsigol i anuo veita. Gaspaduoriou ana, Tigrelē, ruoda didiesni prilonkoma, priraišoma. Gal dēl sava lēkēma? Vo saka, ka givulele nieka nesupront. Kažēn? Kažēn?